

兩浙名賢錄

兩浙名賢錄卷五十二目次

列女

明二

吳江妻李氏

張鸞妻汪氏

徐泰皓妻陳氏

金傑妻徐氏

周漁妻王氏

滑鳳妻陳氏

莫潤妻沈氏

葛璋妻蔡氏

鄭好密妻詹氏

趙氏女璜

吳縉女

鄭璽妻魏氏

呂洵妻居氏

俞僧妻王氏

周孝女

豐勳妻徐氏

張維妻凌氏

張晟繼室于氏

方瑄妻沈氏

馬輿繼室沈氏

袁子純女妙善

顧燁妻梅氏

高霽妻常氏

朱璋妻章氏

張道晟妻褚氏

子清頰孫氏孫敬附

宋鼎妻周氏

丁杲妻應氏

劉越妻孫氏

李珂妻胡氏

金模妻呂氏

萬制三女月娘

衛蘭妻趙氏

張寧二節

蔡烈嬭

吳忠妻王氏

鄭銀妻朱氏

吳榮妻項氏

朱柄女

竇烈嬭

蔡三妻蔡氏

忻玉妻楊氏

陳襄妻倪氏

李淳妻盧氏

石門丐烈嬭

孫氏女

陳文濂妻高氏

陳原理妻馮氏

姊潘氏附

徐氏三節

張珍妻趙氏

季君問妻萬氏

胡鈇妻徐氏

陸衍妻糜氏

賴周氏附

董壽妻王氏

董湄妻虞氏

徐壽妻梅氏

蔣邦沛妻陳氏

葉氏女

林汝殷妻王氏

周顯妻張氏

周淑清附

向升妻王氏

凌桂妻張氏

高瑞妻郎氏

張生妻沈氏

王三狗妻陳氏

朱貴妻范氏

錢欽妻茅氏

朱道弘妻陳氏

吳伯鳳妻葉氏

方嬾王氏

許元忱妻胡氏

符松妾真奴

閔塾妻孫氏

王曰可妻李氏

夏冕妻王氏

周應祁妻項氏

劉伯春妻張氏

沈東妻張氏

妾潘氏附

沈氏六節

茅氏女

陸美妻俞氏

馮警妻張氏

伯妾徐氏附

竺欽妻陳氏

傅梓女

徐氏女

黃鶴年妻張氏

蔡孝女

程璣女菊音

馮坤妻夏氏

陳賁妻李氏

沈澤女淑貞

史立模妻馮氏

袁栢妻趙氏

孫承祖妻嚴氏

沈泰妻胡氏

朱球妻夏氏

劉濂妻馬氏

秦某妻顧氏

兩浙名賢錄卷五十二目次終

兩浙名賢錄卷之五十一

東海徐象梅仲和氏譔

鹽官許 倍叔魯氏閱

列女

明二 共一百九人

吳江妻李氏

吳江妻餘姚李氏女夫與舅姑俱病疫李周旋湯藥旬日不少怠既而舅與夫俱死家故貧遭此兩喪愈益貧舍哀紡績以養姑及幼子而已恒凜餒時年纔二十耳

明年有黃某者謀娶焉其夫族吳琰者貪賄無耻人也黃厚賂琰使嘗其姑而以尊劫之不從琰乃陰與黃氏及父家約稱其母暴病肩輿迎李李倉卒升輿然非故道心疑之既及門非父家也姑亦尋至布几席速之成禮李佯曰所以不欲嫁者爲姑老無依也姑既許之復何言然妾自夫沒嘗解帶今願一湯沐又問聘禮幾許姑曰幾許曰謹藏之爲終老計衆喜具湯湯至求如廁久之不出闢門戶視之則已經矣

張鸞妻汪氏

汪氏慈谿人，聘於張鷟。未適而鷟遊閩中，父母度其將返，預娶汪過門。以俟月餘，忽報鷟死矣。汪驚怛，仆地移時，方蘊誓無他志。其母憐其未成，頗誘以歸，諭之更嫁。汪乃投簪取珥，堆其衣擲地曰：「還汪家物。」歸張氏身，卽登舟而返，獨守孀閨，未嘗踰戶外。後忽病疹，危甚，翁姑爲之迎醫，汪却之曰：「吾得死所矣，豈更藉醫求活邪？」遂卒。遠近憐而賢之。

徐秦皓妻陳氏

陳氏名妙善，錢塘人。年二十一，爲徐秦皓妻。越三年而

奉陪死無子妙善苦志不貳事翁姑曲盡孝養每以徐氏宗祧爲念更託所親勸翁納嗣室生子崑妙善慮其孱弱且翁年近七旬盡心撫育以至成立徐氏之宗賴以不絕崑感丘嫂恩以母事之及卒崑行三年喪君子以爲宜

金傑妻徐氏

徐氏慈谿人定海金傑妻也傑兄以罪逮京師傑往請代瀕行時徐已有身傑顧謂日子去生死不可知生女已矣卽生男可善撫之金氏之鬼庶不餒而已而悔曰

吾幾誤君。餘去萬無生還理。卽死汝可善事。後人徐飲。
泣曰。君誤矣。君以義往。上必義君。君兄弟當同歸。無過
苦也。卽如君言。妾有死而已。敢忘託手。已而果生。男名
之曰常。居無何。餘兄得生還。而餘竟死獄中。訃聞。徐哀
毀不欲生。乃撫孤。勸曰。我本欲從汝。父地下。奈金氏宗
訪何。強起。括奩具。營葬事。服闋。父母或勸之。他適。乃引
刀截髮。斷指以死。誓時年二十二。茹淡攻苦。績紵給食。
以教子。年八十餘卒。

周燕妻王氏

王氏奉化人，許嫁周漁。未娶，漁病既革，索見其妻，不已。母送女至門，漁一見，卽絕。王氏卽守喪，辭母痛，誓不返。終身無變志。

滑鳳妻陳氏

滑鳳妻，餘姚陳氏女。歸鳳，未幾而服賈荆。襄間，十一年不返。或謂鳳已死矣。舅姑輒欲嫁之，嬭曰：「使鳳果死，嬭當以死事舅姑。鳳倘生還，而嬭已嫁，嬭固置不論。舅姑將何以解於其子？」乃斷髮誓守。鳳果還，數月而鳳復去。無歸期。方是時，嬭已誕一子，飢寒辛苦，未嘗幾微怨眼。

無何而邑內大疫其姑疫且死頰額天曰妾夫客於外
今姑避危疾妾聞人肉可療死願割股以進惟天神默
祐俾姑更生得再面其子妾死無恨遂割左股和羹以
進姑竟愈人謂陳氏孝義之誠格於神明

莫潤妻沈氏

沈氏餘姚人有美色年及笄爲莫潤妻潤暴悍好飲博
不治家人產輒促其妻爲不義事沈曰但有一死耳不
義不忍爲也潤知其不從乃陰與富兒約強改嫁之遂
自經其前死

葛璋妻蔡氏

葛璋妻上虞蔡氏。年十七歸璋。明年璋卒。未三月。里中兒屠某謀娶之。其姊蔡妯娌也。假他事。給與姊會。而屠從旁竊視之。蔡覺。哭曰。何顏再生人世耶。奉舅姑。夜膳畢。沐浴服衰。自縊死。

鄭好密妻詹氏

詹氏青田人。爲同邑鄭好密妻。好密嘗忤大姓劉某。劉伺計傾之。適土寇聚採銀坑。誣坐好密。巡司戒捕好密。逃去。捕卒四人。縲詹入官。曉時披涉。澹澹三十里。無人。

相。詹自度不免時一卒髯勇三卒惟命詹知之游目屬
髯勇卒背三卒紿之曰冥涉深麓三管勾無禮願爲主
毋縱其亂妾行君家惟所私髯勇卒意詹悅已掖詹出
山三卒言稍涉戲轉誦之越二十里至黃壇遇歸樵詹
顧髯勇卒曰妾屣折不利冥行假樵刀去之執屣呼四
卒戲曰妾擿屣先得者夕當侍寢遠投屣於棘藜四卒
喧笑望屣競趨詹引樵刀自刎四卒驚走時盛夏暴尸
於道經旬蠅蚋不卽面目如生官葬之事聞當道執四
卒斃之杖下邑人陳中州爲之傳曰詹之死固難而潔

身不污尤難荷綬出入麓藁三十里無人烟之岐計倚
髯勇以退羣狡笑談弄屐以就死地此其智其節雖古
之忠烈容有未盡詩書不足稱矣

趙氏女璠

趙氏女名璠縉雲人宋格菴先生六世孫年笄未嫁時
流賊犯境居民奔避璠父卧疾不忍離遂被執欲污之
璠給賊曰少人安慰吾父卽當從汝賊聽之卽解裙帶
自經死賊重其義遺白金爲歛具咨嗟而去

吳縉女

六婦女新昌人年未笄而縊死母石氏泣謂之曰我幸
有孕若生男則汝父不死矣顧奈家貧何女奮然曰倘
天祐我父便有弟願在家輔之不適人也後果生男遂
堅守前誓母欲爲之養媵曰有婿歸有外心亦弗許其
身不事粉澤日夜拮据不怠年七十六卒葬銅坑陳家
塢人呼爲小娘冢云

鄭璽妻魏氏

魏氏字德盛蕭山魏文靖公仲子完之女幼有志操頗
涉書史及笄擇配得錢塘鄭生璽養於家璽回杭定省

得暴疾，德盛聞之，欲往侍湯藥。祖母丘夫人與之俱行。比至，其夫已死，德盛殞絕。良久始蘇，至夕以白練自經於尸側。祖母解之，得不死。及歸，渡錢塘江，據舷投水，女奴力爲抱持，遂已。抵家，又欲自縊，家人晝夜環守，無所得間，遂斷髮，賤容，嚙無名指，流血不已。風中其患處而死。德盛幼時，嘗以父患劇疾，日夕禱於天，乞以身代父。父病卽愈。弘治間，事聞，詔旌其門曰孝烈。

呂詢妻居氏

居氏，海寧耆舊正之女，笄而守於呂詢。詢幼喪母，而父

病瘠絕不省議人事氏歸無何詢死後姑迫之他國氏
不爲動乃分出之北齊田令氏奉詢柩如田令間手繼
自營燒栗屢墜里頰悼憐之爲氏泣曰寒餓槁死荒野
誰則知者氏失聲泣數行下曰吾義不踏第二條路吾
終下殉吾夫耳單約困悴幾三十年乃死邑人許相卿
作居貞娥傳其言曰夫名爲呂詢妻而復曰居貞娥何
有家妻道也有家猶終處室焉娥之貞云爾孱如女子
抗烈丈夫抵死不可奪之節難矣哉

俞僧妻王氏

王氏新昌人歸俞僧僧鮮兄弟而伯六子橫甚欲七分其田宅僧父持之堅遂不通往來王歸俞始合香疑之舅姑語之故王曰兄弟重乎田宅重乎乃往伯翁所行茶告願均分如命伯翁大喜置酒惟會復爲兄弟如初王勤儉治生十餘年伯產悉歸王

周孝女

周孝女青田人父元綱曠時落簷下爲虎所噬女年十入呼號獲臂擊虎至門外力抱父足虎弄其父而啖之餘姚胡孝聞其事而立傳曰嗟乎周氏女之生也寤寐

幽谷所見聞者，扞執事耳。乃能奮不顧身，搏虎救父，不
免虎口，彼其心欲生父，父斃而與之俱心始安矣。孝莫
大於安心，作周孝女傳。

豐勳妻徐氏

徐氏，鄞人，年十八歸豐勳。勳力學篤行，人稱醇儒。三十
而卒，無嗣。徐時年二十五，誓以死殉，自投於地，傷手足。
姑周氏力救之，得不死。自是衰麻，疏食終其身。事姑由
盡孝道，問安視膳畢，卽入室，堅閉其扉，卽猶子莫得見。
其面壽八十四而卒。卒之日，其婦史氏往與之訣，徐媿

坐於榻舉手稱謝再三且曰子孫幸力爲善合堂而遷
張維妻凌氏

凌氏慈溪人弘治壬子舉人張維妻維卒時凌年二十
四有子三歲而殤因歸省其兄諷之改圖凌不勝悲憤
哭嚙其唇啖血洒地遂終身不復歸寧舅姑慰之曰已
不幸絕嗣生計無賴吾二人日逼桑榆爾生尚遠奈何
爲活邪節嬾曰耻辱事重餓死甘之乃出簪珥爲舅納
妾得子紹喜曰張氏不絕亡夫墓門且有寒食矣未幾
病瘋姑目雙瞽節嬾紡績以養二十年不衰邑令

疎重其節置田五畝資之其後幼者未壯而荒蕪相仍
節頗亦老且憊竟以餒死

張晟繼室于氏

于氏名永壽應天府尹冕之女肅愍公謙之女孫也年
二十一嫁吏科右給事中仁和張晟爲繼室成化二十
一年晟奉命封滿剌伽國王道卒於顛輿觀歸杭于氏
聞喪號慟嘔血欲死父母慰諭之曰汝有遺腹若幸而
生子宗祏攸係苟欲自盡如張氏血食何自是始悟不
復言死矣時年二十六不服華麗不食膏腴不踰閭閻

謹撫遺孤成就學問歷四十二年如一日錢塘陳善論
之曰松桂之藜必產芝蘭信哉吾杭于肅愍公魏文靖
公皆有女孫以貞烈頸水清玉瑩矢志不渝夫烈女之
殉夫猶烈士之殉國今以忠良之曾誕此貞媛有光于
父矣

方瑄妻沈氏

沈氏名淑寧崇德人年十九歸方瑄纔十八日而瑄死
淑寧痛哭隕絕復藉舅姑貧令歸依母氏母以其年少
無子潛以許人淑寧知之給其母曰事既如此盍可弗

白舅姑母不疑往遂自經死楊循吉爲之傳

馬輿繼室沈氏

沈氏嘉興知府馬輿之繼室也貞靜有至性輿壽考終而沈年尚少無子悲啼不絕聲八日夜自經死

袁子純女妙善

袁氏名妙善山陰羊望村人父子純沒於王事貲產豐給遺幼子一人宗黨利其貲者甚衆妙善方待年未字奮然願保其弟誓不適人且稍散其貲以安宗黨及弟娶嬾俞氏妙善喜以爲庶幾振其宗未幾弟亡俞氏又

卷之五十二
上妙善益勵志綜緝家務不怠宗黨欲攘奪者籍籍
善曰立後將自定擇袁氏同姓者一人非世次不可乃
子其甥邦傑家業自是益饒邦傑生二子次晟天順八
年進士官御史

顧燁妻梅氏

梅氏嘉興顧燁妻四川提刑僉事梅江之女江擇婿得
燁以女歸之燁字耀卿第進士有志行爲給事中能舉
其職早世梅卽不食而死

高齊妻常氏

常氏嘉興高霽妻年二十一歸霽僅九月而霽死遺腹女又死常之祖母隋固節嬾也因扁其堂曰繼節矢曰上當不媿吾祖下當不媿吾夫乃鞠夫弟之子爲後卒能信其言

朱璋妻章氏

章氏海寧人朱璋妻生子八月璋死章慟絕欲以身殉姑歎曰我老家貧而孤幼嬾復舍我以殉夫孤將何依天其遂絕朱氏邪章聞姑言遂忍死守志父母舉輕重弱草之說諷之輒觸額瀝血誓志不移父母懼而謝焉

嘯茶茹藥四十年如一日。孝養老姑。訓子成立。頌道母儀。邑人稱之無異。舜。

張道成妻褚氏

子清頰孫氏孫戩附

褚氏鄞人。張道成妻。年二十五而寡。守節終身。子清克。孝遇褚危疾。封右臂和藥療之。母卽差。褚卒。清廬墓三年。有紫芝之祥。未幾清卒。妻孫氏亦守節。辛勤撫其孤。戩戴成人。會孫感鬱疾。戩念父封股療母事。因亦封臂。作羹進之。孫復愈。張姑頰雙節。而清與戩封臂致孝。奕世載德。人多稱之。主事宗佑爲題其堂曰世全節孝爲。

文記之。

宋昆妻周氏

周氏奉化周若之女歸宋昆。昆病癱欲死，嬾以口吮其膿，每口嚼土，盡以塗瘡，遂愈。未幾，昆中風死，嬾號慟絕，而復蘇。時年二十一，一息在襁褓，四壁如懸磬，盡鬻衣裝以歛，不能營葬者二年。朝夕悲泣，若初喪。宗人宋時振憐其義，割地與之，嬾自負土以葬。上事垂白，下哺黃口，劬勞樵汲，無毫髮怨懟。又鞠夫幼弟，以爲門戶計。至有室家相繼而亡，未幾姑與子又相繼而亡，嬾復負土。

葬姑如其夫有富人慕其女紅欲求爲媼者使隣媪袖金環以風之曰一門盡矣無一瓦之覆一壠一植若何恃乎媼堅不可奪媪慙而退飢寒迫身惟紡績補綴爲活所居風雨摧壞假祖屋簷下縛茅以自存艱苦之狀人不忍見媼甘之若飴竟以節終

丁杲妻應氏

應氏縉雲丁杲妻年二十五而寡三孤俱幼鞠育有成比憐屢失火皆逼於堂而滅其丁酉之火應先夢神告之曰無恐與西風以寧爾已東隣火居於西者皆惶惶

無措應以所產告果返風滅火人以爲苦節之徵

劉起妻孫氏

孫氏慈溪劉起妻年二十一而夫亡舅姑憐其少寡欲嫁之氏乃斷髮焚夫柩前曰吾志若移有如此髮因留其柩不舉終日坐柩旁以事紡績鞠子旣成始舉葬之

李珂妻胡氏

李烈嬾胡氏鄞人年十八歸縣學生李珂二十五而珂死一男一女胡守室中絕跡不踰閭一日夜火作於隣珂兄珮往救之胡扃戶而應曰阿姆來吾乃出珮使妻

陳往胡以七歲男自牖付之。囑曰：幸念李秀才善視之。陳曰：婦將何如？胡給之口，取少首飾，卽出。陳去，胡卽垂數箱於牖下。几上抱三歲女，端坐而死。

金模妻呂氏

呂氏錢塘人，年十九歸邑人金模。甫數歲，模客死姑。種呂方二十七，聞訃，哀慟欲絕。旣而幡然曰：吾卽死得矣。弱孤疇與撫，况高堂暮景乎？是吾夫未了之事，在我一身。奈何言死死非從夫？是負夫矣。遂忍痛襄事，孤寒伶仃，衣食不給，自甘澹泊，永藥益勵。撫育幼子，山成立基。

節兩全無媿頰道時郡城大火將及其廬呂焚香祝天旋卽返風城南萬井煨燼而金氏之虛巍然獨存人咸異之

萬制三女月娘

萬氏名月娘新城人萬制三女許聘同邑羅篋未結婚而篋卒月娘欲奔喪父母固止遂浣粉澤衣衰麻爲夫行服未幾父議將改字月娘泣曰天可容二日乎踰年父卒月娘年甫二十事母極孝日與母躬紡績閨門謹守卒於家

衛蘭妻趙氏

趙氏名靜端，崇德衛蘭妻。年二十七而蘭死，時衛氏中
衰，遺孤在襁，祿或勸之嫁。靜端指井誓曰：此井可改，妻
心不可改。苦節五十餘年，以壽終。

張寧二妾

高氏寒香，李氏晚翠，海鹽人。太守張寧二妾也。年皆破
瓜時，相繼事寧者三年。寧疾且革，囑其嗣子曰：必嫁高
李二妾，聞而慟不勝。寧歿，服除，劉恭人與諸妾尚衣，囑
素獨令二妾釋服。二妾泣問故，劉亦泣謂曰：主君臨歿，

之言不聞乎。二妻大慟曰：嚴妾蒙主君取憐，有年恨不能卽死，以從。敢有他志，邪相與焚香剪髮誓死。屏居一樓。三十九年，家人罕見其面，寧不事生產，身後家益落。二妻茹荼飲藥，有賢者之操。事聞，詔旌之曰：雙節。

蔡烈嬾

蔡烈嬾，崇德人。龍陽縣學訓導蔡天錫之女，許嫁何鶴齡。多行不義，兩家父母俱讓改婚。蔡誓死不從，遂歸鶴齡。鶴齡日事淫博，爲偷兒。蔡輒泣諫，憤懣就經。翁姑覺而解翁死，鶴齡不爲治喪。蔡縻衣賃管長，葬鶴齡。反朝。

夕迫蔡從媾、蔡知不免、沐浴更衣自經死。

吳忠妻王氏

王氏吳忠妻、安吉人家甚貧、正德初、夫疾死、嬾無所依、有欲收之者、嬾不應、乃爲麥飯、瘞夫冢前、痛哭良久、以草簣裹其身、自沉溪而死。

鄭鏗妻朱氏

鄭鏗妻縉雲朱氏、女年二十五而無子、爲鏗娶妾、生二子、鏗得篤疾、將屬續、以孤託之、朱泣曰、天平、妾爲君謀、至矣、今何忍見其顛連、亟爲夫治後事、更衣自縊、教諭

鄭汝清稱爲夫君之荀息時爲名言。

吳榮妻項氏

項氏松陽人爲吳榮妻有姿色在樓績麻夫兄名鷗童者窺而戲之項卽叱怒墮樓死隣族哀之聞於官刑其罪人禮葬之旌爲烈嬭。

朱炳女

朱四女平湖朱炳之少女也年十六許姚氏未及行炳卒無子四女日夜哀思依輔寡母極盡孝養其姊夫丘鍾惡少也謀欲私之且併利其業強附同居數挑四女

不從鍾卽暗誘而挾之。四女卽大聲晉罵，痛哭於庭，自傷無父之女爲人所凌如此，遂繼死。父柩之旁，聞者咸稱其烈。

竇烈嬭

竇烈嬭者，餘姚姜榮之妻也。京師人嫖於色，榮爲主事，時納之。及出荆瑞州，携竇與俱。時華林賊起，攻瑞甚急，榮時護郡符，出拒賊，賊破其城，突入郡堂，竇匿其符，賊入榮舍，撈竇以行。竇度不可脫，而榮未知符所在，心獨憂之。有郡民盛豹一父子者，亦在賊中，求還其一人，竇

亦爲請賊許焉。乃密語還者以符匿之所。且曰：吾必死矣。歸報官府。母我念。竇行至花塢村。見道旁有井。佯渴求飲。賊縱之。遂投井以死。賊駭異而去。

葉三妻蔡氏

蔡氏松陽葉三妻也。三貧負薪。蔡小心敬事。有舉案齊眉之風。三久病。績紉供藥。靡無怠色。三病篤。執蔡手訣曰：趁我生前嫁。免得三年苦。蔡跪爲樂。從狀梳洗更衣。陰袖刃。告三日。我先嫁矣。刎頸仆地。流血而死。

忻玉妻楊氏

楊氏鄞人年十九爲忻玉妻玉病疽楊吮之後死楊痛
哭而絕三日家人具飲乃獲猶噫噫作哭聲遂斷髮死
誓無他志每食必依玉柩側玉嗜鯉每忌日必設鯉一
年偶植河枯無從覓楊悲慟不已忽一漁父持鯉至以
一金得之祭畢食胙得原金於魚腹中人大異之以爲
哀感所致呼爲哀感孺人年八十二卒

陳襄妻倪氏

倪氏定海人適鄞陳襄爲諸生有聲未第而卒倪時年
三十無子而貧甚方女紅以養姑人有聞其姿者遣媒

白其姑姑將有感志倪聞而悲憤煎沸湯沃其面左目
爆出復以煙煤塗其傷遂極悍惡媒乃不來歷艱苦二
十年姑七十餘病卒倪哀慟七日不食而死

李淳妻盧氏

盧氏永康人嫁李淳三載而寡一男一女俱早喪家貧
績紉自給有勸之嫁者輒以死誓絕歸倚母氏氏兄弟
得賂欲脅之再適氏自知不免乃給之曰吾所以不從
者以夫子亡未薦服飾未備耳衆以爲然乃潛治自己
衣衾喪具及期置夫神主哭祭之夜自縊而死

石門丐烈嬾

石門丐烈嬾者。湖州人。莫詳其姓氏。正德五年。湖民大飢。嬾與其夫及姑。走崇德石門市乞食。嬾有殊色。市人爭濟欲挑之。與之食。不顧誘之財。亦不顧坐東高橋上。不復乞食者二日。伺夫與姑皆不至。聚觀者益衆。嬾乃從橋上躍入水中以死。

孫氏女

孫氏女。蕭山人。其隣有沈氏女。許聘汪鑑。既納采。鑑病死。聞訃。哭之慟。欲往歛。父母不從。將自經。乃許泣告父。

母請終三年喪。孫氏時年方十七。聞之曰：「差矣！父母問其故，曰：『只死方好。』時孫已通名葉氏。未幾葉氏子病篤，將不起。孫卽潛製歛具，已而葉訃果至。孫因取歛具，囑父母令納葉棺。尋忽自盡。時守浮梁戴珊躬臨其家，以旌異之。

陳文濂妻高氏

高氏杭州右衛舍人高恂女。許嫁府學生陳文濂。濂病夭。女聞訃號慟，製服赴吊。比發引，又哭送至墓。因矢不再受。妻會或以未成，頗譏之。女曰：「夫一納陳氏幣，卽爲

陳氏嬀何得以結褵與否異乃心業心許與死同穴不可易也居七年以病卒夫家卒迎其棺敬瘞穴合葬焉

陳原理妻馮氏

馮潘氏附

馮氏慈溪人爲進士陳原理妻原理中正德庚辰會試榜武宗南巡不果廷試病卒下邳馮時年二十二無子舅姑老業且凋落惟勤紡績爲餬器具備之費與一婢俱外戶不闕內言不出娣潘氏亦少寡每歲時聚享相對哀慟誓以死守郡丞顧錫岩悼之以詩曰曉閤共悲魂破夜窓聯織一燈寒讀者莫不墮淚

徐氏三節

徐氏三節者，鄧儒士徐奎妻王氏。生子海，五歲奎卒。王時年二十三，事姑孝敬，撫育遺孤海，娶余氏，僅暮海卒。余時年十九，遺孕五月，逮生子，名曰定，示其志有定也。遭家日落，勤紡織以養姑，定娶周氏，甫二載定卒，親族或勸之曰：「汝無子，恐弗可以終。」周曰：「守節視子有無，懷二心耳。」乃子族人之子，竟以節終。徐氏三世婆居，皆青年以至白首，跡不踰閭，聲不出戶，鄉人稱之。

張珍妻趙氏

趙氏郵舉人張珍妻。方歸時，家徒四壁，立一燈，夜績，相珍讀書業成，舉於鄉。未踰年卒。趙時年二十二，艱苦伶仃，以死自誓。惟勤女紅以糊口，然終身不爲男子製服。別嫌明微，類皆天至。坐卧一小樓，雖寒暑不下。至白首，宗戚尚有不識其面者。趙氏諸子，姓有過，必曰：毋使祖姑知之，其見嚴於人如此。

季君問妻萬氏

萬氏，遂昌季君問妻。能詩，夫亡守節不二。嘗自繡梅花一枝，所詩一絕於枕曰：灑灑英標別一奇，歲寒心事有

誰知妾心正欲同貞白枕上殷勤繡一枝有詩集數卷
藏於家。

胡鈇妻徐氏

徐氏永康胡鈇妻歸胡二年而鈇死無子矢志苦操素
衣竹簪不與宴會坐卧夫柩傍足跡不越戶閭之外隣
火延及寢室衆勸其出顧堅抱於柩大呼曰得同燼幸
矣須臾反風以免人咸異之年八十二無疾卒。

陸衍妻糜氏

嬭周氏附

糜氏嘉善陸衍妻年二十衍卒初衍病革注目於糜者

久之。糜泣曰。君疑我邪。遂毀容示術。既而撫遺孤。取類周氏。孤復死。迺與周相依以居。寒燈蔽帷。始終如一人。稱雙節。

董壽妻王氏

王氏名桂芳。嘉興人。歸同邑董壽。踰年壽病且革。囑孀更適。桂芳誓以死殉壽卒。其母湯亦寡。居命女歸同處。芳不從。越月母固強之往家。一飯哽塞不能下咽。還過宜公橋。顧其母曰。河水清冷。可就死。母懼抱持之。乃止。至家。卽麻經自經死。

董涓妻虞氏

虞氏名嫻，海鹽虞烈女也。幼讀書，能詩。年十六，歸董涓。甫兩月而涓以暴疾死，嫻祿魄驚，慟絕而復蘇，屢求死，不得，盡屏常所服御，髻免麻，泉哀哭弗休。丈室重局，攻苦食淡，瘁瘠如枯禪。苾芻尼聞，詠菊云：「移種春苗愛護周，柴桑無主爲誰秋。寒芳甘抱枯枝萎，羞墜飄風逐水流。」其志可知矣。嫻每歎曰：「吾不得從吾夫死，得復見吾夫如生者，快長瞑乎？」乃自視其夫如平生，募工刻畫，而自潤飾之。意態風度，溢於摩繪粉墨之外。旣成，大哭曰：

吾夫今果如生矣。具酒炙享之。自是食必薦語。必告事。必禱。盥櫛湯沐。昏且寢。輿裘葛更襲。無異生人之奉。十五年一日也。誠積而思專。目若見之。而耳或聞之。家衆老稚駭相告曰。木官人汗簌簌下矣。又相告曰。木官人舉袖指揮矣。舅謙聞而恚曰。兒乃憑此爲厲邪。亟取火之。媿大踴曰。吾長已矣。由是食則祈死。泣必淚血。黥爾。悒鬱以死。年五十一。

徐壽妻梅氏

梅氏。雲和徐壽妻。年二十二。夫亡。長子珉。方二歲。次子

在。娠。家。貧。姑。諭。再。嫁。以。死。誓。紡。織。易。粟。以。養。姑。育。子。歲。凶。設。三。等。食。奉。姑。以。米。哺。子。以。麩。已。則。咽。一。二。匙。餅。以。克。飢。二。子。俱。成。立。縣。官。表。其。門。曰。節。孝。

蔣邦浦妻陳氏

陳氏名金。象山人。適馬岡蔣邦浦。夫染瘵疾。語之曰。吾不起矣。汝年方少。我死。汝自爲之。妾泣誓曰。生則同食。死則同穴。吾不知其他已。而夫病亟。乃沐浴更衣。歛手足。潛自服毒。謂家人曰。吾身殊不快。卽假寢。夫側。既而呼之。氣已絕矣。其舅謂其夫曰。汝頗死矣。邦浦強顧之。

亦瞑目而逝。

葉氏女

葉氏女定海人。許聘慈溪翁氏。幼失父母。歸翁育之。年十四。翁資產旁落。且喪其姑。舅畜之如婢。勞肆萬狀。無怨色。一日舅以子未壯。室可少緩。欲鬻之。葉聞恚曰。我非貨也。焉得展轉貿易以爲利。連日泣下。旣知不可免。僞爲喜色。若將從舅命者。舅遂寬之。適夜月明。給妯娌曰。月色甚佳。盍少夷循乎。適門外有人。依違而入。久之。妯娌止之曰。夜幾半矣。盍就寢。應曰。諾。翌晨啟門覓氏。

已浮尸於河起之色如生其衣服上下聯結甚固時暑方熾而尸不腐人皆異之

林汝殷妻王氏

王氏黃岩人年二十二歸林汝殷未幾汝殷死里人陳文白慕其賢欲娶之王斷髮以死自誓其父母防之且勸之力王佯許焉既久防者稍懈乃陰囑侍女分其嫁時服飾一歸其母一子其妹一爲殯歛之具遂自縊死

周顯妻張氏

周淑清附

張氏仁和人適同邑周顯爲郡學生以秋試不第悒悒

發病死張氏年二十二家貧刻志守節誓死不渝顯妹
名淑清特年未字見嫂執節亡兄有確然不可奪之志
亦誓不許嫁寧伴嫂以堅其節青年勵操白首相依至
嘉靖二年相繼卒方張氏卒時周氏已卧病張臨絕呼
周曰吾與若俱上金堂玉室爾勿遲來不三月周果卒
向升妻王氏

王氏名月秋海盜向升妻性慧自幼精女紅讀書知爲
詩年十六歸升甫一年而升卒頰投地痛絕得甦遂數
日不食以求配姑強之乃食不復茹葷設一榻於柩側

舒帷藏之。朝夕坐其間，欲繼者屢矣。姑泣語之曰：爾既從夫地下，我老寡何倚？耶嬭亦泣，不敢繼。遂以針工易粟肉養姑。居一年，姑感於其季，以十二歲子來。後升嬭，固辭不得，乃大泣曰：以叔爲子，年少吾僅六歲耳。叔嫂混處，瓜李之嫌，謂何吾死！今其時乎？復辟食三日，俟姑寢，沐櫛具衣於柩前。繼年一十有八，方升卒時，以一悅遺嬭曰：汝前途非吾所知，苟無忘見此如見吾矣。得其悅，朝夕持之，至是猶在手。

凌桂妻張氏

張氏錢塘人。夫曰桂，爲凌季子。後於伯氏張歸，凌數歲。季子卒，舅氏繼歿，遺孤僅五月。氏時年二十六矣。始季子沒時，氏慟欲死，爲有孤在，姑又老，乃忍死強食飲，色養所後。婆姑備盡孝敬。當是時，凌氏不絕如綫，有強宗某者，圖攘其室，嗾父張欲奪氏志。氏誓死不許。凌族之奴豪悍者，又百計窘侮之。氏但謹飭閨房，弗爲動。一日，父張持大挺至，呼氏甚急，聲色俱厲。氏乃舉聲大慟曰：「禾亡人，豈愛一死以謝夫君，所以不死者，爲五月兒耳。且大人有女，執節凌氏於張氏，不有光邪？今父旣不知。」

女心吾生不如死。乃舉頭觸棺首爲碎裂流血丹地。隨
賴數輩挾持之。得不死。父張計大沮。謀遂寢。氏乃截髮
毀容。甘苦拮据。以植遺孤。冀其立也。命之曰立。含哀茹
戚。雪皎霜嚴。六十年如一日。孤長登進士。積官至建昌
守。隆慶庚午。二孫登名登瀛。同舉於鄉。瀛名第一。丁丑
成進士。至今科甲相仍。稱世家。

高瑞妻郎氏

郎氏名元真。錢塘崇化里人。年十二。字郡人高瑞。字旣
三。載瑞出游。郎氏在室。愆期以待。後竟不聞返。舅姑齊

之父母欲更字。郎氏以死誓。父母不能奪。其後嘗欲歸夫門。以事舅姑。父母固弗許。一日從容言曰。吾向許身爲高某妻。弗獲嬾於夫家。願一識其門而還。父母許之。具舟楫送至門。拜見舅姑如禮。比晚。父母促之歸。郎氏曰。吾今日豈有還理乎。婦人內夫家。吾當受室於此。代夫奉甘旨耳。父母舅姑強之再三。竟不可回。乃聽之。居數歲。以孝聞。舅姑憫其誠。爲之置嗣。後有託名爲瑞將來歸者。先使人相聞。時姑已亡。而舅目雙瞽。不復能辨。聞其述舊事甚悉。喜曰。真吾兒也。郎氏曰。語言容可僞。

此當以形體物色之既乃察其無耳志非是遂拒之人於是益賢郎氏謂其有貞志偉識云郎氏竟爲室女以終其身。

張生妻沈氏

沈氏名雲海鹽人年十七聘同邑張生未嫁張病瘵死邑中間其工容且賢爭來求聘父母將許之雲覺投河死居士朱朴哀之以詩曰沈家有女子未嫁夫已死自言生爲夫家人死作夫家鬼有眼不識夫君面妾心如石不可轉有足不及夫家門妾身安得如車輪妾身欲

隨流水去。直到黃泉葬夫處。

王三狗妻陳氏

陳氏名小奴。臨海人。適王三狗。一日其夫爲虎所攫。卽攘奮悲號而往。虎驚駭舍之而去。亟負以還。而其夫死矣。未幾有郭素者。欲納爲妾。陰使人諷之。不從。乃強致聘娶之物。促迫以歸。陳度勢不可免。亟走。姜岩自投死。

朱貴妻范氏

范氏崇德朱貴妻。倭奴犯境。夫妻走避。猝與倭遇。倭揮刃殺貴。范氏厲聲奮臂。爪倭面。倭怒剖其腹。罵不絕口。

而○死○

錢欽妻茅氏

茅氏烏程人爲生員錢欽妻嘉靖間避寇安固村遇寇將污之茅義不辱自投於河寇怒剖腹刳胎而死

朱道弘妻陳氏

陳氏錢塘人適同邑朱道弘道弘挾醫術携家僑居崇德適海寇至一邑人盡走陳抱持幼子與道弘相失遇賊賊迫之同行給賊稍寬已置幼子井傍脫雙屐投井中而死

列女

吳伯鳳妻葉氏

葉氏名潔，雲和秀才葉鳳梧之女。幼字吳伯鳳，未嫁而伯鳳卒。女心哀慟，誓無變節。父母不諒，改聘何氏。女日夜涕泣，及何促請期，乃沐浴更衣，自經死。吳母先一夜亦夢嬾歸，及早聞訃，即迎柩歸，與伯鳳合葬焉。

方嬾王氏

王氏慈溪人，爲同邑方氏嬾。嘉靖戊戌正月二十八日夜半，火起西市，延熾及方。王歸僅逾月，居一小樓。時夫外出堅守不下，遂陷於火，徧體灼爛。惟心獨存，夫歸抱

而哭之。淚滴其心，輒化。

許元忱妻胡氏

胡氏，鄆許元忱妻。元忱爲徐祝師養子，習巫祝事。氏竊
鄙之，勸忱改業。身勤織，作別治，習導忱漁，以供翁媪。皆
宜之。然時時慮元忱故許氏子，不能有徐氏業也。令稍
稍索貲，樹許宗。僅成田廬，未返室。而元忱病疫死。氏才
二十三，呼天自誓，告徐乞殯。其夫許氏廬而身自苦。因
柩旁，持一刀，惺惺達曙。時呼號泣，卽所居無戶牖蔽而
日，礪其刃。自世聞者驚動。未幾，其夫之兄與徐師亦相

卷之二十一 五

繼疾死，如遽改適，而徐媪老亦不能為氏植里人妍氏色，競媒於許之強暴者，求偶氏有期矣。氏見逼，即毀兩臉，截鬢髮，斷左手三指，血淋漓，大詬罵，誓必死。羣暴者驚散去，族尊姑妯娌皆抱持氏大慟，因立應。後者令子之，子年相近，氏故嚴督之，命力田耕作，唯唯聽。氏益身自勞苦，慰育備至，喪三年不流不滯，故污穢自廢，極力結同穴，畢夫葬，乃娶媪，纔潔布素為具，修見族之禮。用日始復為具，修其媪見族之禮，曰：非是無以為許氏媪也。夫有弟少流移，則復為反之，日道之勤，弗率，即延其

者詭賁之已而復爲之娶嚴之如嬾姑伯氏有遺孤在
他姓歲致衣履期保全之已而皆絕氏益痛含淚繼作
僮僮免飢凍而耿耿之性死不可易年七十餘無病卒
符松妾真奴

真奴黃岩符松妾也松既死其妻鍾氏將歸母家欲有
他志真奴泣諫求爲主父終喪鍾大怒亂捶之必逼以
去真奴潛還慟哭遂縊死於松柩上

閔塾妻孫氏

孫氏嘉善人歸同邑閔塾年十九塾死而無子兄欲奪

其志乃歎曰。兄所利者財也。悉以奩田歸之。遂與絕矣。心守節。立族爲後。年五十三。值歲飢。死。貧不能裹。事知縣。于業經理葬之。

王曰可妻李氏

李氏名京。錢塘人。許字王生。曰可。未及請期。而王生死。京聞訃。慟絕。復蘓。卽欲往視飯含。家人挽留之不聽。以母言乃止。自此屏跡一小樓。粗衣蔬食。形影相吊。事几席行服如禮。嘗告父母曰。夫歿之日。兒心已死。知吾翁尚鮮。後嗣欲爲吾夫少侍一日之養。以全頹道云爾。遂

哉。已矣。鬱鬱苦守。八載而病劇。他無所言。但囑取王生之像。一見而訣。至則不及矣。生之父雖請從子合葬。墓在石屋山之陽。

夏冕妻王氏

王氏鄞人。歸夏冕年二十三而寡。遺孤二人。俱在襁褓。氏呼天大慟。矢志無他。時姑老齒落。咀嚼不良。氏每晨起。先以其乳乳姑。而次哺二雛。二雛呱呱泣。不顧也。初氏之始歸。夏夫兄弟已析箸。氏言曰。夫子儒流也。獨不聞田荆之義乎。夫感其言。遂令居如初。嘉靖丙辰。倭寇

卷之五十二
三十一
卒至男子盡操戈出捍禦氏乃負姑入山披荆榛破肌膚姑賴以全比遘疾悉營其姑喪葬之事涕泣而卒

周應祁妻項氏

項氏襄毅六世孫道亨女許聘吳江周恭肅孫應祁應祁病瘵未婚而卒女聞訃即日縞素以績麻密縫下裳夜靜俟婢熟睡自縊以死時年十九卒同穴應祁人稱爲貞女

劉伯春妻張氏

張氏秀水張組女年十四受同邑秀才劉伯春聘伯春

少負才名，必欲舉於鄉而後婚。無何以病卒。女聞訃，卽號泣截髮，誓不再適。自爲詩詞祭悼，守制三年，足不踰閩口。不如葷服，卽絕飲食。母強諭之，畧進茶果，終不粒食。旬日而卒。時年二十。舅姑迎柩合葬焉。其詩曰：妾身未識良人面，良人何事先云亡。胸中厭飲五車史，想爲地下修文郎。妾欲追隨同殉葬，垂白翁姑尚在堂。小叔呱呱方五月，伶仃孱弱真堪傷。妾本儒家寒素女，感君一聘守綱常。妾身不比河漢星，妾身不似天邊月。千秋萬古無盡期，此情此義何時竭。妾非矯情以干譽，自

求身心無玷缺。他年小叔繼書鄉，妾富一死來君傍。鄉人至今誦之。

沈東妻張氏 妻潘氏附

沈東妻會稽張氏女。東之擢給事中也。尚未有子。張自家置隣女潘氏往焉。舟抵潞河而東以抗疏方宿省邸中。候旨潞河去京都六十里。急命輿入城。則東已下獄矣。張語潘曰：吾已矣。汝年少，且未經事。主父盍擇自便乎。潘跪曰：主父抗節，夫人又苦志。婢子獨非人乎。因泣涕沾臍。自誓以死。卒與張俱守。東在獄歷十有八年。父

年八十餘。張數伏闕乞哀。願以身代。臣束縶令歸。一省
父皆不報。家故貧。有田十餘畝耳。養父且不給。張與妻
乃日夜力女紅。用給藥。價甚不給。則有鄉中父老。具刑
牘爲泣。貸於同郡宦京者。然亦不多貸。率以爲常。會戶
部司務何以尚。上疏論海主事瑞有詔下。以尚獄。由東
東出。見潘。問左右曰。是昔日某乎。曰。然。曰。我當拜謝之。
乃再拜。潘泣。驚扶之。遂同歸里。東旣縶。又家益落。張乃
身執汲爨。而令潘當夕。隆慶初。東起南京通政司。奉議。
不赴。未幾卒。竟無子。

沈氏六節

沈思橋界觀海鳴鶴之間家衆二千人多驍黠善聞自嘉靖來海上多事寇上烏山燬鳴鶴縱橫蹂躪沈氏不惟自衛且能殲其渠魁奪其所掠賊甚警之丙辰夏賊乃大至沈氏豪誓於衆曰無出頰女無輦貨財誓以死守不然者先戮之有章氏者誓於內曰男子死聞頰女當死義辱與死等耳衆頰皆爲竦聽旣賊圍合羣頰聚於一樓賊攻入戶章氏遽出投於河周氏馮氏繼之共死一所柴氏方爲夫礪刃賊已砍戶入矣柴卽以刃砍

賊旋自刃。孟氏孫氏姒娣爲賊所得。相抱持不放。共誓賊奪刀自刺。皆死焉。思橋之難。沈宗嬭死者三十餘。其尤烈者此六人也。章氏沈祚妻。周氏沈希魯妻。馮氏沈信魁妻。柴氏沈惟瑞妻。孟氏沈弘量妻。孫氏沈琳妻。

茅氏女

茅氏女。慈谿人。年十四。父母早亡。獨與兄媪居。其兄痿。臥不能起。丙辰。倭寇入縣。媪出奔。呼與之俱。女曰。吾爲室女。去將安之。俱去。誰爲扶。吾兄者。賊至。遽縱火。女力扶其兄。避於空室。俱被燔灼而死。二尸相變。棺焉。

列女

卷之五十二

七

七善堂

陸美妻俞氏

俞氏，平湖陸美妻也。甫笄歸美，克盡媢道。嘉靖丙辰，倭寇至，將逼其居。美適外出，俞亟渡河，深不可涉。美弟與僕欲援其手濟之，俞厲聲曰：「死即死耳，手何可爲人執邪？竟溺死。」

馮警妻張氏 伯妾徐氏附

張氏，慈谿人。年二十，爲馮警媢，纔六年而遭丙辰倭寇之變。邑治焚燹，張氏偕姑竄匿。其夫相失，遂死於寇。張哀哭不欲生，亟收夫斂葬。未數日，寇復至，張偕姑及妯

嫗買舟逃至管山江復爲寇所及張知不免曰不死且
汚賊子然馮之嗣不可絕也卽以幼子付其姑借伯妾
徐氏沉於江賊大驚異遂捨舟中諸嬾以去

竺欽妻陳氏

陳氏奉化竺欽妻丙辰五月倭夷入奉化年年少艾携
姑及女而逃至徐家渡倭追甚逼陳自度不得脫言於
姑曰辱而生寧若不辱而死遂令夫負其姑自抱女投
水中死

傅梓女

列女

卷之五十一

五

光緒堂

傅氏女定海昌國傅梓女也年十七美姿容丙辰五月
倭夷至自倉卒女家故瀕海遂爲賊所得女亟以石自
破其面流血塗地賊怒磔其尸而去

徐氏女

王江涇貞女徐氏幼許字與璽其父以醫致富而與室
產落無錐地父欲啖婿罷婚婿亦甘焉女潛知之往問
父計奩金幾何予我當從命父授以百金輒呼與室子
與之抵暮自經後父以其柩歸與室子

黃鶴年妻張氏

張氏黃鶴年妻秀水憲副綜之母年二十六而寡哀毀欲絕念兒方八歲強起撫孤形影相弔絕不爲姑息晝就外傳夜篝燈親自課誦稍不中程且撻且泣不啻嚴父後課諸孫亦然其綜理家務肅如官府平時拮据積著左書右筭能力支門戶人以爲有丈夫風後綜成進士方疏請旌典而恭人歿君子曰貞而慈

蔡孝女

蔡孝女武康人常隨母入山採藥而虎突至攫其母女卽挺身赴之攀樹枝格鬪行三百餘步虎怒舍其母傷

女其血上噴高丈許竹葉盡赤虎即舍之而去。餘
息歎曰：吾得脫母虎口，即死何恨？尋卒。

程璠女菊音

程氏名菊音，衢州程璠女生而沉毅，弱不好弄，稍長讀
女誡，知大義。及笄，或有以青陽徐鏐之刺謁其父璠，璠
閱牘，僂首以先世少與婚姻，且度女性，或不宜其家，善
辭謝之。未幾璠卒，徐假父命以訟為之，誣證數載相持。
逮其母兄於獄，賂當事，遣梟卒相繼淘湧至其家，欲迫
之必行。女曰：負塗之豕，咆肆固不足恤，彼哉妻非之口。

惡能移吾父命而奪其志。俾有鼠雀之訟。徒以兄之困
抑無所控訴。老母逮繫。莫測晨昏。以我之故也。寧忍坐
視耶。乃自屏於室。沐浴更衣。綰結其帶。翦其餘。并昔所
翦之髮。襲之。出別二嫂。慰以兩可之言。女應曰。人生
至此。在自力耳。嫂幸自愛。請家廟拜辭。逮升輿。則氣不
可忍。呼父不絕聲。哭道路聞者。莫不洒淚。至新羅嶺。氣
逆嘔吐。哭不成聲。昇者前却。不能步。罷勉抵星川。已不
可支。適喋者。又以母者至。停輿欲簾視之。而無人色。吐
氣如雲烟。目左右直視。遂卒。議者曰。不違父命。不弃其

母不背其兄。合而言。史孝也。至若詳審於平時。果決於一旦。卽烈丈夫。或有未盡然者云。

馮坤妻夏氏

夏氏秀水馮坤妻。性莊潔慈儉。善相夫子。事翁姑以孝聞。髮居五十年。攻苦茹荼。如一日。其孫夢禎在襁褓時。撫育備至。亂年。課以詩書。丙夜治女紅。相對一燈。熒然膏盡。一勺始就寢。鳴雞初醒。卽促起讀。以爲常。學成舉南宮第一。贈淑人。

陳貴妻李氏

李氏秀水人。適同邑陳貴。甲寅倭變。李方抱幼女走。恐追及。被污。遂跳身入水。倭急持其髻。李拆倭手。濡血。倭怒。以刃扶其首。擗之水。詰旦。女母相持出水次。

沈澤女淑貞

沈氏字淑貞。秀水沈澤女。姊妹二人。其姊嫁盛寔。蚤世。盛議聘淑貞。以續舊姻。淑貞辭曰。姊之夫。非妹之匹也。遂誓終身。不適人。後有不聘者。率以前盟謝之。奉佛持齋。年七十八歲。以處女終。其族屬憲副沈啟原。爲作貞女祠。

列女

卷之五十二

三

先哲叢書

史立模妾馮氏

史立模妾京都馮氏女初立模娶於蘓生子自強既娶天乃置馮是時方爲行人久之無子既而立模以給事中謫通州判官擢蘓州府通判又增置維揚李李生子復殤而李自是病痿立模不復御矣一日立模受檄之他郡馮前請曰主君日驅馳王事奈嗣息何此行度再經旬盍召李立模握手曰否否彼已廢無已寧汝可耳則給日諾候立模既寢乃抱持李置衾中去李遂孕及期生子自上生之日馮親爲吮臍愛護甚至却後五年

立模與蘓相繼卒自上甫六歲耳諸宗彊睥睨物產時攘臂起馮以死力爭之又課婢僕有法家事不廢及自上從羣兒嬉遊則召撻之曰吾爲汝千辛萬苦始得汝今家運微史氏祀不絕如綫而若此邪泣與杖俱下自上遂奮厲讀書卒領嘉靖鄉薦官平陽府同知有五子次子元熙成萬曆二年進士官江西僉事有七孫

袁栢妻趙氏

趙氏嘉善袁栢妻也年二十八夫亡卽不茹葷孤猶在襁褓家貧甚日紡績自給每引兒至夫座前課讀稍踰

列女

卷之五十二

三

七

度輒跪而責之。壽五十九。忽一日呼兒曰。我以半生事爾父。半生守爾父。今日是爾父亡日。我將往從地下矣。無疾而逝。

孫承祖妻嚴氏

嚴氏嘉善人。適同里孫承祖。年二十二而承祖死。止一女。欲以身殉。念姑且老。乃竭力孝奉。天年及女嫁。曰。吾事畢矣。可以下見夫子。遂不食死。

沈泰妻胡氏

胡氏會稽人。爲贈少卿沈鍊子泰妻。初泰之聘胡也。卜

卷有期而遭父難自塞上并逮兄襄及襄繫萬全都司
獄中時鎮臣某銜鍊甚且逢時相意必欲置二子死榜
掠數百獄不具則時時問二子寢食獄卒微知其意痛
虐苦之時諷以死一日已刻期令夜分具病狀上矣薄
暮忽誰傳兩道官下視獄至則呼襄及襄至命且緩之
襄等亦不測所以明日問之獄卒則某者以給事中具
時來疏其罪惡逮詔獄未午荷銀鑕就檻車去矣襄等
遂得釋然泰自是遂病血匍匐扶父喪歸比服闋始婚
胡年已二十七踰六月泰疾大作將不起呼胡曰吾累

汝吾累汝胡曰有命自天向未婚時吾父及昆弟疑君有疾固遠巡我執義不回今日實所甘心泰遂卒胡哀泣日夜不絕聲盡出奩具治喪事有他諷者輒斷髮務面終日危坐一室中卽同產非時不見如此者二十餘年晚染疾家人將迎醫胡告其父曰未亡人豈可以手令他人視哉初不云乎有命自天不藥卒年五十一無子以襄子某爲嗣

朱球妻夏氏

夏氏青田朱球妻也年二十二而球亡哀慟誓志撫孤

再越歲兩子俱喪自是悲悒每欲自絕父懼強之歸寧
意勸改嫁夏曰我之所以生者以子在爲夫守也今其
已矣豈再醮乎值夫忌日感傷仆地潛入卧內引刀自
刎舅姑迎喪與夫柩同寄外次一日洪水暴漲時民居
漂蕩者無筭獨夏氏與夫柩滑闕高墩人皆異之時直
指謝廷傑行文禮葬立石表墓題曰烈嬾朱球妻夏氏
之墓

劉漁妻馬氏

馬氏平湖馬玄女年十六歸生員劉漁一年而寡矢志

靡他。翁家甚貧，利其再適，必欲奪其志，每不與食。百計控之，而志益厲。嘗閉門自經，或救之，則繫絕而墜於地。死矣，急解之。漸蕪翁又陰納沈氏聘，其姑誘與俱出，令女奴抱持過沈舟，舟且迅發，氏投河不能得，乃呼天而號。頃臾，風雨晝晦，疾雷擊舟，欲覆者數四。沈懼，乃旋舟還之。事聞於縣，縣令氏別居。時氏父兄繼歿，無可歸，假寓一室，四壁不完，上漏下濕，每雨則危坐達旦，且或不能具，靡率三四日不食而不死，隣頗強以食進之，乃復食。至七十餘，竟不食死。

秦某妻顧氏

顧氏錢塘人爲同里秦某妻秦業醫不售兼病廢廢食甚爲父母所逐無所得食日惟掬水咽楚粝一勺秦病且死謂顧曰爾與我同餓死無益徒自苦孰若更事他人爾旣得所天吾亦賴爾幸少頃與無死計誠若何顧飲泣不答居數日秦父母携酒看來飲其子相屬爲耳語顧度其必以已市也因却不飲食比夜呼女中汲其上令女返取甕卽窺入井中死明日出其尸衣裳內外俱紉綴聯絡不見體人益烈之時年二十有九

兩浙名賢錄卷之五十二終